

Q. D. B. V.
MARTINALIA

ante
MARTINI SEPTIMANAM
REIP. ZITT.
PATRIB. CONSCRIPTIS,
ob publicam gratulandi causam

oblata

d. 6. Nov. M DCCV.

* * * * *



Idimus in Turri victricem ludere pinum,
Dum faber excelsa fronde coronat opus.
O utinam virides Pater Optimus indicet annos,
Sub cujus clypeo pinna novella viret.
Sic hilares passim rapti ad sublimia cives,
Pacis & obsequii signa beata legant.
Tolle oculos, mea ZITTA, tuos, quæ munera defunt?
Si tuus in blando stipite vernat apex.
Nam decus hoc templi geminos portendit amores,
Quod venit ad sanctam bina columna domum.
Adde quod adspectu simul inclyta CURIA gaudet,
Candida dum Templo vota virente facit.
O valeant PATRES, vigeat pia cura laboris:
MARTINUSq; redux nobile sistat opus.
Et qui præcipitem per summa pericula murum
Scandunt: dispositos contueantur agros.
Ne timor aut belli clades miseranda sequatur,
Quâ nemus & montes, rura vel arva patent.
Interea, si quos dedit altera turris honores,
Hæc quoq; devotam mulceat umbra Scholam.

Gymnasii nomine scripsit

CHRISTIANUS WEISE, Rect.

Zittavia, Typis Hartmannianis.